

Message Five

Suhprang Ai Asak Hkrung Lam Hte Bau Rem Ai Lam Hpe Shăkut Shăja Gălaw Ai Hte Mădu Kărai Bai Yu Wa Na Mătu Anhtē Hkum Hpe Jin Jin Rai Nga Ra Ai Lam

Htina chyumdaw—2Kor. 4:16-18, Yhn. 21:15-17.

- I. Mădu Kărai yu wa na mătu anhtē hkum hpe jin jin rai nga nna, anhtē gaw suhprang ai asak hkrung lam, lăni hte lăni ningnan gram shărai ai hpe hkam ra ai (2Kor. 4:16-18) rai nna anhtē a danglu ai lam hpe hkang zing da na ra nga ai. Ndai ningnan gram shărai ai lam gaw jăhpawt shăgu zet tsang ai lam nga na mătu rai nga ai (Mat. 13:43, Luk. 1:78-79, Gsh. 4:18, Tgy. 5:31).**
- A. Anhtē gaw shăni shăgu ningnan npawt hpanɡ lam nga na mătu, jăhpawt jau jau hta Mădu Kărai hpe kăbu găra ra ai rai nga ai—Shk. 119:47-148.
- B. Anhtē gaw anhtē a jan ngu ai Mădu Yēsu hpe anhtē hta paw pru shăngun na mătu jăhpawt shăgu ahkang jaw ra ai. Shing rai yang she anhtē gaw ningnan gram shărai hkrum lu na rai nga ai—Luk. 1:78-79, Mlhk. 4:2, Tgy. 5:31.
1. Anhtē gaw Mădu Kărai hte kănawn măzum na mătu, jăhpawt jau jau suhprang ra ai rai nna, “Mădu, ningnan npawt hpanɡ na mătu Mădu hpe chyēju dum ai, dai ni gaw nye a asak hkrung lam hta myit dum ai nhtoi rai u ga” ngu nna akyu hpyi mai nga ai. Ndai gaw anhtē tsun nga ai jăhpawt mănəp suhprang ai lam rai nga ai.
 2. Jăhpawt shăgu anhtē gaw anhtē a măra raw hkungga hpe Mădu a măbyin hta npawt hpanɡ nna, Hkristu hpe anhtē a wan nat hkungga hte hting rai htingrat ai hkungga hku nna hkungga jaw ra ai. Shing rai yang she anhtē gaw ningnan npawt hpanɡ ai lam nga lu na rai nga ai. Anhtē gaw ndai lam hpe shăni shăgu gălaw ra ai sha n-ga, dai hpe ra shărawng ai hte dwi sau ai lam, sunghtum ai lam hku gălaw nga ra ai—Jaw. 6:12-13.
 3. Hkristu hpe anhtē a wannat hkungga hku nna jăhpawt shăgu la lang ai lam gaw Kărai Kăsang a myit dik myit pyaw lam a mătu mahkra asak hkrung ai hte anhtē hpe dai zawn re asak hkrung lam nga na mătu dangdi shăngun ai asak byin shăngun ai Mădu hpe la lang ai lam rai nga ai—1:9, 6:12-13, Yhn. 5:19, 30, 6:38, 7:18, 8:29.

- C. Suhprang ai asak hkrung lam nga na mătu, anhtē gaw Mădu Kărai hpe mahkra tsawra ai ni tai ra ai rai nna, Hkristu hpe hpring tsup hkra kăbu găra ai hte amyat lu la na mătu shăni shăgu na yaw shăda lam hta Mădu hpe asak hkrung ra nga ai—1Kor. 2:9, 2Kor. 5:14-15, Hpil. 3:14.
- D. Anhtē gaw hkungri a asak hkrung lam hte sum a asak hkrung lam hpe asak hkrung ai ni tai ra nga ai—Nin. 12:7-8, 13:3-4, 18.
1. Anhtē h pang de Kărai Kăsang a dan leng ai lam gaw, anhtē a ap nawng ai lam hta byin pru wa nna, anhtē hpe hkungri gawgap shăngun ai, hkungri gaw anhtē a nga mănğa hpe hkungga hku nna Kărai Kăsang hpe hkungga nawng jau na mătu rai nna, Mădu a yaw shăda lam a mătu, Kărai Kăsang hpe lu na mătu rai nga ai. Hkungri hpe gawgap ai lam gaw anhtē a asak hkrung lam gaw Kărai Kăsang a mătu, Kărai Kăsang gaw anhtē a asak hkrung lam hte anhtē a asak hkrung lam a lăchyum Kărai Kăsang nan rai nga ai ngu tsun măyu ai—8:20-21a, Pru. 29:18-23.
 2. Sum a asak hkrung lam hpe asak hkrung ai lam gaw anhtē gaw grau grau kăja dik ai mung hpe tam nna, Kărai Kăsang gawgap ai märe, Yerusalem märe nnan hpe myit nden ja ai hte myit măda la nga ai dinghta ga ntsa na mungdan măsha hte mănəm ni re lam hpe ndau ai lam rai nga ai—Heb. 11:9-10, 13.
- E. Suhprang ai lam gaw shăni shăgu ningnan gram shărai hkam ra nna, hkrang nsam gălai shai ai lam nga ra ai. Shăni shăgu zet tsang kăbu lu ai lam gaw lăma na anhtē gaw tinang a asak hkrung lam mahkra hpe ndai hkrang nsam gălai ya ai lam hta shănu nga ai rai yang, anhtē gaw kunghpan wa ai du hkra Mădu Kărai a asak hta kăba wa na rai nga ai—Rom. 12:2, 2Kor. 3:18, Heb. 6:1a.
- F. Anhtē gaw wudang (2Kor. 4:10-12, 16-18) Kărai asak hte bai gram shărai ai, Kărai asak hte ningnan kălang bai măsət la ai, Kărai asak hte ningnan bai yaw măsing ya ai hku nna rai nga ai Chyoi pra ai Wēnyi gaw (Tit. 3:5), anhtē a găyau gumhpawn da ai wēnyi (Ehp. 4:23) hte Kărai Kăsang a Chyoi pra ai mungga (Ehp. 5:26) rai nga ai lam măli hku nna shăni shăgu ningnan gram shărai hkrum ra nga ai.
- G. Anhtē gaw ningnan tai na mătu Mădu Kărai a sha ku de sa ra nga ai (Mat. 26:29). Mădu Kărai gaw sha ku dingsa hpe găloi mung la sa na nrai nga ai. Anhtē gaw “ngai tawngban nngai, ngai hpe märe dat ya rit” ngu tsun na mătu shărin la nna, ningnan gram shărai hkam ra nga ai.

H. Anhtē gaw mātsan jamjau ai kā-ang hta nga nga yang, Mădu Kărai a ningnan mātsan dum lăma ai lam hpe jăhpawt shăgu hkap la ra nga ai. Shing rai yang she anhtē gaw Mădu a ningnan măbyin hpe hkrum kădup hkam sha lu na rai nga ai. Dai nrai yang anhtē gaw shawng de na hte măren rai nga na rai nhtawm, anhtē laidi kau ai mātsan jamjau lam gaw kăman lila byin wa na rai nga ai—Shy. 3:22-24, 2Kor. 4:16-18.

II. Mădu Kărai yu wa na mătu anhtē hkum hpe jin jin rai nga nna, anhtē gaw Mădu a săgu ni hpe jaw sha ai hte Kărai Kăsang a săgu hpung hpe yu lăkawn na mătu, Mădu a săgu ni hpe bau rem ai hte Hkristu a sumsing hte seng ai amu hta shang lawm kănawn măzum nna, anhtē a danglu ai lam hpe hkang zing da ra nga ai. Dai săgu wuhpung gaw Hkristu a hkumhkrang hku nna byin pru wa ai Hpung rai nga ai—Yhn. 21:15-17, 1Pet. 2:25, 5, 1-4, Heb. 13:20-21.

A. Anhtē gaw Kărai Kăsang a htani htana yaw măsing hpe gunhpai na mătu Mădu a amu hta Mădu Yēsu a sakse hte măren masha law law hpe bau rem ra nga ai—Mat. 9:36, Yhn. 10:11, Heb. 13:20, 1Pet. 5:4.

1. Anhtē hta Kăwa a tsawra măra dat ya ai myit măsın, hkye la Mădu a bau rem ai lam hte tam ai wēnyi nnga ai lam gaw anhtē gaw mau dung dung nga ai lam rai nga ai—Luk. 15:1-24.
2. Anhtē gaw Yēsu a shinggyim rudi hta (shanhtē hpe ngwi pyaw shăngun na mătu, myit dik shăngun na mătu hte shălan shăbran ya na mătu) masha law law hpe lăkawn ra ai (Mat. 9:10, Luk. 7:34) anhtē gaw Hkristu a Kărai rudi hta (Mădu a ninggam măsum măgam amu hta yawng măyawng lawm ai Hkristu hte rau shanhtē hpe jaw sha na mătu) masha law law hpe jaw sha ra ai—Mat. 24:45-47.
3. Hkristu gaw akyang lailen nkăja ai numsha lăngai hpe lu la na mătu Samari mung hpe laidi nna, Suhka märe de yaw shăda let lam kăyin nna sa wa nhtawm, asak hka ngu ai lwi nga ai măsum lăngai Kărai hte rau numsha hpe jaw sha na mătu Mădu hpe lu hpa ntsin jaw na, numsha hpe hpyi shawn ai hte numsha hpe lăkawn la wu ai—Yhn. 4:3-14.
4. Yubak nkap ai Mădu hku nna, Mădu gaw htak mat ai numsha hpe nje yang ai sha, numsha hpe yubak kaw na măra dat ya ai hte numsha a măra kaw na sak hkrung ai lam de shălawt dat ya na mătu numsha hpe lăkawn la wu ai (Yhn. 8:1-11, 32, 36). Mădu a si hkam ai kaw na Hkristu a mărang e shawng nnan hkye hkrang la hkrum ai wa gaw si dam măsat jăhkrat hkrum ai dămya lăngai kaw na mung, ahkyak dik ai lam rai nga ai (Luk. 23:42-43).

5. Mădu Kărai gaw kang hta sha ai wa măsha lăngai hpe lu la na mătu Yerihko măre de găwan gătsan sa wa nna, Mădu a hkaw tsun ai lam gaw bau rem ai lam byin wa ai (19: 1-10). Mădu gaw ma kăji ni ntsa lăta măra ya ai hte kănu kăwa ni hpe mung lăkawn la wu ai (Mat. 19:13-15).
 6. Ja wan pyengdin ni rai nga ai Hpung a mătu Mădu ahkyak la lăkawn ai lam hta hkrung rawt lung mat wa ai Mădu gaw “hkawm sa nga ai Hkristu” hte “ga shăga ai Wēnyi” rai nga ai. Hpung ni a kă-ang hta Mădu hkawm sa nga ai hte Hpung shăgu a măsa lam hpe chye nga ai. Dai hpang Mădu mu ai hte măren anhtē hpang de ga shăga wu ai. Shing rai yang she Hpung ni hta nga nga ai chyoï pra ai ni yawng hpe Mădu a danglu ai ni tai shăngun na mătu yaw shăda nna, nsoi nsa măbyin hte asak hte seng ai hkrang nsam gălai shai lam nga lu na rai nga ai—Shr. 1:12-13, 2:1, 7.
- B. Anhtē gaw Kărai Kăsang a săgu hpung hpe lăkawn na mătu chyu jaw ai kănu hte n-gun jaw shădut ya ai kăwa lăngai zawn bau rem ai kăsa Pawlu a hkrang kăsi kămang hte măsha law law hpe bau rem ra ai—1Hte. 2:7-8, 11-12, 1Tim. 1:16, Kas. 20:28.
1. Pawlu gaw Ehpesu măre hta nga ai chyoï pra ai ni hpe “măsha zuphpawng nna mung, nta lăngai hpang lăngai hta mung” shărin achyin ai hku nna, bau rem nhtawm (kăji 20), măsum ning tup shăni shăna nsim nsa măsha law law hpe myi prwi hte shărin shăga nna (kăji, 31, 19) Kărai Kăsang a ra shărawng ai lam shanhtē hpe mahkra hkaw tsun dan wu ai (kăji 27).
 2. Pawlu gaw chyoï pra ai a mătu hkau chyap ai, ningshawng jaw nna, shi gaw gawngkya ai ni hpe lu la na mătu gawngkya ai ni a ninggam de yu sa wa wu ai (2Kor. 11:28-29, 1Kor. 9:22, mădun—Mat. 12:20).
 3. Pawlu gaw shi mădu ai lam ni hpe mădi mădun da ai shi hta lu ai lam ni mahkra hpe jăhtum kau nna, chyoï pra ai ni a mătu shi a măbyin hpe mădi mădun ai wa re hpe jăhtum kau na mătu ra shărawng wu ai (2Kor. 12:15). Shi gaw rujaw kau ai hkungga rai nna, tsăbyi ntsin shăpraw ai wa hku nna Hkristu hte lăngai sha tai nhtawm kăga măsha ni Hkristu hpe kăbu găra na mătu shi hkum nan hpe hkungga jaw kau wu ai (Hpil. 2:17, Tgy. 9:13, Ehp. 3:2).
 4. Pawlu gaw Kărai Kăsang hpe hpung shinggang arawng jaw na mătu wēnyi hku nna hkawm sa wu ai. Shing rai yang she shi gaw măsha law

law hpe hpung shingkang arawng jaw na mǎtu dai Wēnyi hpe amu gunhpai lu na rai nga ai—2Kor. 3:3, 6, 25, Tgy. 9:9.

5. Pawlu gaw shi a shǎrin achyin ai lam hta Hpung gaw mǎsha law law hpe yu lǎnawn lǎkawn ai nta, shanhtē hpe tsi shǎmai ya na mǎtu hte bai hkamja shǎngun ai tsi rung hte shanhtē hpe shǎrin achyin ya nna gawgap ya na mǎtu jawng rai nga ai ngu mǎdi mǎdun da ai—Ehp. 2:19, 1Hte. 5:14, 1Kor. 14:31.
6. Pawlu a tsawra myit gaw Hkristu a hkumhkrang gawgap na mǎtu anhtē hpe hpa lam raitim tai na hte hpa lam raitim gǎlawna mǎtu kǎja dik ai lǎdat re lam tsun da ai. Tsawra myit sha awngdang kǎ-up lu ai—8:1, 12:31, 13:4-8a, Ehp. 1:4, 3:17, 4:2, 15-16, 5:2, 6:24, Kol. 1:18b, 1Hte. 1:3.